



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1553. usque ad annum 1557

Fleury, Claude

August. Vind. [u.a.], 1771

VD18 9011857X

§. 9. Papa de induciis Cæsarem inter & Galliarum Regem pactis certior factus.

[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)

§. IX.

Sæc. XVI.

A.C. 1556.

Papa de induciis Cæsarem inter, & Galliarum Regem pactis certior factus.

Dum hæc interim gerebantur, Romæ nuntiatum, opera Cardinalis Poli, qui Mariæ Angliæ Reginæ nomine de pace egerat, quinque annorum inducias inter Cæsarem, & Philippum ejus Filium cum Galliarum Rege nuper fuisse initas, atque hoc anno die quinta Februarii in Vaucellensi Abatia prope Cameracum subscriptas; quippe Lotharingius Cardinalis, priusquam Roma Venetias profecturus Papam valere juberet, ab Henrico II. Galliarum Rege literas acceperat, quibus significatum, quod Cæsaris Ministris inducias petentibus respondisset, sibi ejusmodi inducias, dummodo honestis circumscriberentur conditionibus, probari, de cetero autem persuasum esse, quod Carolus V. ac Philippus ejusmodi conditiones acceptaturi haud essent, quocirca hujus epistolæ summam libere summo Pontifici significare posset, cum vero hæc induciæ Cardinali ob rationes in priori libro allegatas nullo pacto arri-derent, hinc ejusmodi literas nequidem Pontifici exhibuit, sed illas ad Cardinalem Turnonium remisit, ut ipse met

*Pallav. l. 13.**c. 17. n. 3.**Thuan. l. 17.**p. 514.**Beliar.**comm. l. 27.**num. 17.*

The. l. 1. c. 17.
Beliar. l. 1. c. 17.
Beliar. l. 1. c. 17.

Sæcul. XVI. met de iis Papam certiozem redderet.
A. C. 1556. Equidem Paulo IV. ea res fatis mira videbatur, nec tamen inde se moveri simulabat, spe fretus, quod Cæsar, atque Angliæ Rex hæc inducias propositis conditionibus gravatas constanter rejecturi essent, attamen sua eum fefellit opinio; Cæsar enim induciis assensit, veritus, ne Philippus sub primis imperii sui auspiciis sese bello implicaret, quod ob virium, atque experientię defectum forte ipsi funestum accidere posset.

§. X.

Induciarum articuli Cæsarem inter, & Gallos initi.

Thu. l. c.
Adrian. l. 13.
Belcar. l. c.

Itaque opera Cardinalis Poli induciæ firmantur, & utrinque delegati mittuntur. Hos inter Galliarum Regis nomine adierant Caspar Colinius maris Præfectus, & Sebastianus Albaspineus libellorum supplicum Magister: Cæsaris autem, & Philippi nomine Carolus Lalanius Comes, Simon Renardus, Carolus Tisnacus, Philippus Bruxelensis, & Joannes Baptista Schiccius juris Consultus Cremonensis conveniant, qui ineunte hoc anno congregati post diuturnas altercationes tandem in hæc pacta consenserunt. I. Terra, marique tam in Belgio, quam per Italiam,

&